

სახელმწიფო შესყიდვების შესახებ ხელშეკრულება №2

ქ.ქუთაისი

15 იანვარი 2020 წელი

ერთის მხრივ შპს საკალათბურთო კლუბი „ქუთაისი-2010“-ი, მისი დირექტორის ტრისტანი ჭაბუკიანის სახით, (მისამართი, რეკვიზიტები – ქ.ქუთაისი, რომევიჩის ქ №2ა, ს/ნ 412670435, სს „VTB ბანკი ჯორჯია“- ქუთაისის ფილიალი, მფო UGBGE22, ა/ა GE08VT0500000000363408 ტელ: (0431 25-29-27) (შემდგომში „შემსყიდველი“)

მეორეს მხრივ შპს „გიო - 2019 “, მისი დირექტორის გიორგი ამირანაშვილის სახით (მისამართი:ქ.ქუთაისი,ნიკოლოზ გოგოლის ქ.57, ს/ნ 412744437, ს.ს „თი-ბი-სი“ბანკი, ბ/კ TBCBGE22 ა/ა GE20TB7628636070100002) (შემდგომში „მიმწოდებელი“), სახელმწიფო შესყიდვების შესახებ კანონის და პრეტენდენტის საკალათბურთო კლუბი „ქუთაისი-2010“-ის სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე.

გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1“ხელშეკრულება სახელმწიფო შესყიდვის შესახებ” (შემდგომში – “ხელშეკრულება”) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. “ხელშეკრულების ღირებულება” - ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. “შემსყიდველი ორგანიზაცია” (შემდგომში “შემსყიდველი”) - ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. “მომწოდებელი” - ნიშნავს პირს, რომელმაც მოიპოვა გამარჯვება ტენდერში და ახორციელებს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5“დღე”, “კვირა”, “თვე” - ნიშნავს კალენდარულ დღეს, კვირას, თვეს.
- 1.6 „მომსახურება“- ხელშეკრულების მე-2 მუხლით გათვალისწინებული ხელშეკრულების საგანი
- 1.7 „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების ობიექტი და კლასიფიკატორის კოდი

2.1 სატრანსპორტო მომსახურება – შპს საკალათბურთო კლუბი „ქუთაისი-2010“-ს კალათბურთელებისა და თანამშრომლების ავტობუსით ტრანსპორტირება.

2.3 კლასიფიკატორის კოდი –60100000.

3. ხელშეკრულების ღირებულება

3.1შესასრულებელი მომსახურების ჯამური ღირებულება შეადგენს 23000 (ოცდასამიათასი) ლარს.

3.2 ხელშეკრულების ღირებულება მოიცავს მომსახურების გაწევასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს.

4. ხელშეკრულების შესრულების კონტროლი

4.1 ხელშეკრულებით გათვალისწინებული პირობების შესრულების კონტროლი განხორციელდება შ.პ.ს საკალათბურთო კლუბი „ქუთაისი-2010“-ის მიერ.

4.2 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“, კონტროლის ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ „შემსყიდველი“ კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით „შემსყიდველი“.

4.3 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

5. მომსახურების გაწევის პირობები და ვადები

- 5.1 „მიმწოდებელი“ ვალდებულია ერთდღიანი და მრავალდღიანი (არანაკლები 3-4 დღე) მიკროავტობუსით მომსახურება საკალათბურთო კლუბ „ქუთაისი-2010“-ის წევრებისათვის, საქართველოს ტერიტორიაზე (და მის ფარგლებს გარეთ) განახორციელოს ხელშეკრულების დადებიდან 2020 წლის 31 დეკემბრის ჩათვლით.
- 5.2 მიმწოდებელმა უნდა უზრუნველყოს მგზავრთა ტრანსპორტირება ეტაპობრივად, შემსყიდველის მოთხოვნის შესაბამისად.
- 5.3 შემსყიდველის მოთხოვნიდან 1 დღეში მიმწოდებელმა უნდა განახორციელოს ავტობუსით მომსახურება, მოთხოვნის შესაბამისად.
- 5.4 მიმწოდებელი ვალდებულია შიგა გადაადგილებით უზრუნველყოს გუნდის წევრები, შეჯიბრების მიმდინარეობის პერიოდში.
- 5.5 მომსახურების გაწევის ადგილი: ქ. ქუთაისი, რომევიჩის ქ. №2ა-დან საქართველოს ტერიტორიაზე, შემსყიდველის მიერ განსაზღვრული მარშრუტით და ვადით.
- 5.6 სატრანსპორტო საშუალება უნდა იყოს ტექნიკურად გამართული და კომფორტაბელური მგზავრობისათვის. სპორტული გუნდის სპეციფიკიდან გამომდინარე დასაჯდომი სავარძლებს შორის დაშორება უნდა იყოს არანაკლები 35 სმ და სავარძლის საზურგეებს შორის არანაკლებ 75 სმ, კალათბურთელთა კომფორტული მგზავრობისათვის.
- 5.7 სარტანსპორტო საშუალების გამოშვების წელი უნდა იყოს 2002 წელი და მის შემდგომი პერიოდი.
- 5.8 სატრანსპორტო საშუალება აღჭურვილი უნდა იყოს აუდიო-ვიდეო აპარატურით, გათბობა-კონდიციონერების გამართული სისტემით.
- 5.9 მიმწოდებელი ვალდებულია საკუთარი სახსრებით უზრუნველყოს მძღოლის ან მძღოლების კვება და სასტუმროს ხარჯები.
- 5.10 ტრანსპორტირების ათვლის წერტილად ჩაითვლება „შემსყიდველი“-ს მიერ მითითებული ადგილი, საიდანაც უნდა დაიწყოს ტრანსპორტით მომსახურება. მაგალითად, თუ „შემსყიდველი“ ითხოვს მომსახურებას ქალაქ თბილისიდან ქალაქ ქუთაისამდე, იანგარიშება (ანაზღაურდება) ტრანსპორტირების ორივე გზა - ქუთაისი-თბილისი, თბილისი-ქუთაისი.

6. შესყიდვის ობიექტის მიღება-ჩაბარების წესი

- 6.1 „შემსყიდველი“ შესყიდვის ობიექტს მიიღებს ეტაპობრივად, ფაქტობრივად გაწეული მომსახურების შესაბამისად.
- 6.2 „შემსყიდველი“-ს მიერ გაწეული მომსახურება მიღებულად ჩაითვლება, მიღება-ჩაბარების აქტის დადასტურების შემდეგ, რომელშიც მითითებული იქნება მომსახურების დასახელება, რაოდენობა და ღირებულება.
- 6.3 შესყიდვის ობიექტის მიწოდების დამტკიცებას ახორციელებს შ.პ.ს საკალათბურთო კლუბი „ქუთაისი - 2010“-ის დირექტორი ტრისტანი ჭაბუკიანი.

7. ანგარიშსწორება

- 7.1 ანგარიშსწორება განხორციელდება ეტაპობრივად, „მიმწოდებელი“-ს წერილობითი მომართვის საფუძველზე, რომელსაც უნდა დაერთოს:
- ა) ფაქტიურად გაწეული მომსახურების დასახელება და ღირებულება;
 - ბ) მიღება-ჩაბარების აქტი;
 - გ) მრიცხველის ჩვენების აქტი
- 7.2 ანგარიშსწორების ფორმა იქნება უნაღდო, (გადარიცხვა) ლარებში.
- 7.3 ანგარიშსწორების ვადა სათანადო დოკუმენტების წარმოდგენიდან 10 (ათი) სამუშაო დღე.

8. ხელშეკრულებაში ცვლილების შეტანა

- 8.1 ხელშეკრულების დამდებ არც ერთ მხარეს არა აქვს უფლება შეიტანოს ცვლილებები მეორე მხარესთან შეთანხმების გარეშე.
- 8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ვერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებულ აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. ქვეკონტრაქტორები

10.1 „მიმწოდებელმა“ წერილობით უნდა აცნობოს შემსყიდველს მოცემული ხელშეკრულების ფარგლებში, ყველა ქვეკონტრაქტორთან დადებული ხელშეკრულების შესახებ.

10.2 ამ ხელშეკრულების ფარგლებში ყველა ქვეკონტრაქტორთან დადებული ხელშეკრულების ასლი უნდა წარედგინოს შემსყიდველს.

10.3 ამ ხელშეკრულების ფარგლებში დადებული არცერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან.

11. მხარეთა უფლება-მოვალეობები

11.1 „შემსყიდველი“ უფლებამოსილია ხელშეკრულების მოქმედების ვადის დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია

11.2 „შემსყიდველი“ ვალდებულია უზრუნველყოს „მიმწოდებლის“ მიერ გაწეული მომსახურების ანაზღაურება ხელშეკრულებით გათვალისწინებული ვადების და პირობების დაცვით.

11.3 „მიმწოდებელი“ უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

11.4 „მიმწოდებელი“ ვალდებულია დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

12. ხელშეკრულების პირობების შეუსრულებლობა, ხელშეკრულების შეწყვეტა

(საჯარიმო სანქციები, ფორმა, ოდენობა)

12.1 ხელშეკრულების დამდები ერთ-ერთი მხარის მიერ ხელშეკრულების პირობ(ებ)ის შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული ნაწილის მოქმედების შეწყვეტის შესახებ.

12.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს დაუყოვნებლივ, გადაწყვეტილების ძალაში შესვლამდე.

დაუძლეველი ძალის გარდა „მიმწოდებელი“-ს მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გათვალისწინებული საჯარიმო სანქციები:

12.3 თუ „მიმწოდებელი“ გადააცილებს მომსახურების გაწევის ვადას, „მიმწოდებელს“ დაეკისრება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0.1%-ის ოდენობით.

12.4 იმ შემთხვევაში, თუ ხელშეკრულების 11.3 პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 2%-ს, „შემსყიდველს“ უფლება აქვს ცალმხრივად შეწყვიტოს ხელშეკრულება.

12.5 ხელშეკრულების (სრული ან ცალკეული ნაწილის) შეწყვეტის კანონით დადგენილი წესით დადასტურების შემთხვევაში, „მიმწოდებელი“ გადაიხდის პირგასამტეხლოს, სახელშეკრულებო თანხის 50 %-ის ოდენობით.

12.6 ხელშეკრულების პირობების შეუსრულებლობისათვის, „მიმწოდებლის“ დაჯარიმების შემთხვევაში, შემსყიდველი იტოვებს უფლებას ფაქტიურად გაწეული მომსახურების ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

12.7 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

13. დაუძლეველი ძალა

13.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;

13.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

13.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. სადავო საკითხების გადაწყვეტა

14.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს, საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1 წინამდებარე ხელშეკრულების მოქმედება ძალაშია ხელშეკრულების მე-5 მუხლის 5.1 პუნქტით გათვალისწინებული მომსახურების გაწევის ვადის დასრულებიდან ერთი თვის განმავლობაში - 2021 წლის 31 იანვრის ჩათვლით.

15.2 ხელშეკრულება შედგენილია სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. 1 (ერთი) პირი „მიმწოდებელთან“ და 2 (ორი) პირი „შემსყიდველთან“.

15. მხარეთა რეკვიზიტები და ხელმოწერები

შემსყიდველი:

შპს „საკალათბურთო კლუბი“ ქუთაისი-2010“

მის: ქ. ქუთაისი, რომევიჩის ქ 2ა

ს.ს „ვითიბი ბანკი ჯორჯია“

ქუთაისი ფილიალი

ბ/კოდი: UGBGE22

ა/ა GE08VT0500000000363408

ს/ნ 412670435

მიმწოდებელი:

შპს „გიო 2019“

ქ.ქუთაისი,ნიკოლოზ გოგოგლის ქ.57

ს.ს „თი-ბი-სი“ ბანკი

ა/ა GE20TB7628636070100002

ს/ნ 412744437

შპს „საკალათბურთო კლუბი “ქუთაისი-2010“

დირექტორი:

ტრისტანი ჭაბუკიანი

შპს „გო 2019“-ის

დირექტორი:

გიორგი ამირანაშვილი

ინფორმაცია ფასებისა და მიწოდების გრაფიკის შესახებ

მიმწოდებლის დასახელება - შპს „გიო 2019“

№	საქონლის აღწერილობა	რაოდენობა	ერთეულის ფასი	საერთო ფასი	მიწოდების ადგილი	მიწოდების ვადა
1.	სატრანსპორტო მომსახურების შესყიდვა			23000 ლარი	ქუთაისი	15.01.2020 -31.12.2020

მიმწოდებლის ხელისმოწერა:

დირექტორი:

/გიორგი ამირანაშვილი/